



Gobolka Basel-Stadt

Xog ku saabsan Basel-Stadt

Nidaamka Siyaasadda

Diinta

Xilliyada Firaaqada

Dhaqanka



Xog ku saabsan Basel-Stadt

Gobolka Basel-Stadt waa mid ka mid ah 26-ka Gobol ee wadanka Swiiserlaan. Basel-Stadt waxay ku taallaa Xudduudda Saddex-geesoodka ah ee Jarmalka iyo Faransiiska. Gobolku wuxuu leeyahay Dhaqaale xooggan iyo Dhaqammo kala duwan, Tayada noloshuna waa mid sare.

Tirooyin iyo Xaqiiqooyin

Gobolka Basel-Stadt, wuxuu ka koobanyahay saddex Degmooyin (Gemeinden). Caasimadda Gobolka oo ah degmada Basel iyo labada degmo siyaasadeed (politischen Gemeinden) ee kala ah Riehen iyo Bettingen. Gobolka waxaa ku nool dad gaaraya 200'000 oo qof oo ka kala yimid 160 wadamood. Basel-Stadt baaxadeedu waa 37 km² kaliya, waana gobolka ugu yar misna ugu dadka badan gobollada wadanka Swiiserlaan. Luuqadda rasmiga ah ee looga hadlo Gobolkaan waa Af Jarmalka.

Taariikhda Gobolka

Gobolka Basel-Stadt waxaa la aasaasay sanadkii 1833. Hase ahaatee, waxuu leeyahay taariikh dheer iyo mid xiiso badan. Laga soo bilaabo qarniyadii hore, muddo hadda laga joogo 130'000 oo sanadood ayay halkani ahaan jirtay deegaan. Maadaama Basel ay ahayd meel ku taallay meel siyaasadeedu wanaagsantahay, ayay Roomaanka waxay saldhigga ciidammadooda ka dhigteen buurta Münsterhügel 30 sano ka hor taariikhda Miilaadiga. Isla goobtaasi waa meesha ay hadda ku taallo Dhismaha kaniisadda Basler Münster. Dhismahaan markiisi hore waxuu ahaan jiray Kaniisad weyn oo baadariga saldhig u ahayd lana daahfuray 1019-kii. Taas awgeed ayaa marka aad Calanka Gobolka Basel eegto waxaad ka dhex arki kartaa wax ul-baakoorad u eg taasoo laga soo minguriyay ushii uu baadariga kaniisadaasi wadan jiray.

1460-kii waxaa la aasaasay Jaamacadda Basel. Basel waxay isku badashay xarunta bini'aadanimada iyo buugaag daabacidda. Bartamihii qarnigii 16-aad waxaa usoo qaxay Basel qaxooti fara badan oo ka yimid waqooyiga talyaaniga iyo faransiiska. Waxay layimaadeen farmooyinkoodii tolliinka dharka xariirta ah iyo xardhiddooda. Farmashiyaasha iyo warshadaha kiimikada sameeyaa ee hadda jirana xiligaas ayay iyaguna billowdeen. 1833 waxaa kala go'ay Gobollada Basel-Stadt iyo Basel-Landschaft kaddib markii uu dagaal ba'an dhex maray. Maanta Gobolka Basel-Stadt waa xarunta Dhaqanka, ganacsiga iyo dhaqaalaha diiraddana waxay u saarantahay cilmiga noolaha.



Hiddaha iyo Dhaqanka

Gobolkaan Basel-Stadt waxaanu leenahay Hiddo iyo dhaqamo badan, kuwaasoo inoo muhiim ah. Waan ku faraxsanahay haddii aad doonayso inaad barato dhaqammadeenna. Waxaa booska koowaad ku jiro dabbaaldagga (Fasnacht). Xafladdaan waxaa la qabtaa sanad walba bisha Febraayo ama Maarso waxayna socotaa muddo saddex maalmood ah. Sidaas darteed ayaan ugu yeernaa «drey scheenschte Dääg» – saddexda maalmood ee ugu quruxda badan. Bandhigga xagaaga ee Basel (Herbstmesse) 500 oo sano ayuu ka weyn yahay inta loo dabaaldagayay. Suuqqa Ciida Kirismaska (Weihnachtsmarkt) iyaduna waa caado dheer oo soo jireen ah. Dadka inta badan waxay ku jiraan Ururo, kooxo ama Jaaliyado. Ciyaaraha kooxda kubadda cagta ee FC Basel waxaa usoo daawasho tago dad fara badan xilliga xagaagana dad badan ayaa usoo dabaal tago webiga Rhein.

Macluumaaad dheeraad ah (linkiyo, cinwaano, waraaqaha macluumaadka, buug-yaraha)

www.hallo-baselstadt.ch/so/kanton-basel-stadt/xog-ku-saabsan-basel-stadt



Nidaamka Siyaasadda

Awoodda siyaasadeed ee wadanka Swiiserlaan waxaa loo qeybiyaa saddex heer: Heerka Federaalka (Bund), Gobollada (dowladaha hoose) - (Kantone) iyo Degmooyinka (Gemeinden). Shacabka Swiiserlaan waxay u codayn karaan arrimaha siyaasadda.

Dowladda Federaalka ee Swiiserlaan

Dowladda Federaalka ah ee Swiiserlaan waxay jirtay tan iyo 1848-dii. Caasimadda waddanka waa magaalada Bern. Swiiserlaan kama jirto hal qoowmiyad, hal luuqad ama hal diin oo isku mid ah. Dhaqamooyin kala duwan ayaa isu kaashaday si xor ah. Sidaas daraadeed, ayaa loo dhahaa "Qarannimo ku dhisan rabitaan" (Willensnation).

Federaalnimo

26-ka Gobol iyo in kabadan 2000 oo degmo ee Swiiserlaan waxay u madax bannaan yihiin siyaasadooda, waxaana la yiraahdaa "Federaalnimo". Gobol kasta iyo Degmo kasta waxa ay leedahay dhismo dowladeed oo ay gaar u leeyihiin. Gobolka Basel-Stadt waxa uu leeyahay Dastuurkiisa iyo Xukuumaddiisa uu gaarka u leeyahay, Baarlamaan iyo Maxkamado. Degmooyinka iyo Gobollada waxay mas'uul ka yihiin arrimo badan oo dowli ah. Sidaas daraadeed ayaa tusaale ahaan Nidaamka Waxbarashada Gobolkasta u maamulaa si ka duwan Gobollada kale. Xeerka Federaalka ee dalka wuxuu ka dhaqan galaa wadanka Swiiserlaan oo dhan. Sidoo kale, Gobollada waxa ay leeyihiin xeerar u gaar ah, kuwaasoo ka hirgalshan kaliya gobolka dhexdiisa. Degmooyinka iyagana sidoo kale waxay samaysan karaan xeerar ay gaar u leeyihiin. Si ay u gutaan waajibaadkooda, ayay dowladda federaalka (Bund), Dowladda hoose (Kantone) iyo Degmooyinka (Gemeinde) waxay qaadaan mid walba Canshuuraha.



Awoodda Qaybsiga

Awoodda Siyaasadda ma ahan inay isugu soo ururto dad yar ama hay'ado yar. Sidaas daraadeed, awoodda dowladda ee Swiiserlan iyo Gobolladaba waxaa si madax bannaan loogu qaybiyay saddex awoodood: Awoodda Golaha Sharci dajinta, Golaha fulinta iyo Garsoorka.

Gobolka Basel-Stadt, hay'adaha hoos ku xusan ayaa u qaabilsan waajibaadkaas:

- Sharci dajinta: Golaha sharci dajinta (Grosser Rat) oo 100 Xubnood ah, afartii sano mar ay shacabka gobolka soo doortaan.
- Fulinta: Golaha Fulinta (Regierungsrat) oo 7 Xubnood ah, sidoo kale afartii sano mar ayay shacabka soo doortaan.
- Garsoorka: Maxkamado kala duwan oo heer gobol ah (Gerichte)

Basel-Stadt waxaa jiro arrin u gaar ah: Baarlamaanka, Xukuumadda iyo Maxkamadaha Gobolka Basel-Stadt ayaa isla mar ahaantaas waxay masuul kayhiin Caasimadda Gobolka ee Basel. Ladaba Degmoo kale, Riehen iyo Bettingen sidoo kale waxay leeyihiin Gole sharci dajin degmeed (Einwohnerrat) iyo Gole Fulin degmeed (Gemeinderat).

Heerka Federaalka, Sharci dajintuusu waxay leedahay labo Aqal: Aqalka sare iyo kan hoose (Nationalrat und Ständerat). Xukuumadda qaranka oo 7 xubnood ka kooban waxaa la isku yiraahdaa Golaha Federaalka (Bundesrat). Sidoo kale, heerka qaran wuxuu leeyahay maxkamado kala duwan. Go'aamada maxkamadaha Gobollada tusaale ahaan waxaa la keeni karaa Maxkamadda federaalka (Bundesgericht) maadaama ay tahay halka ugu sarayso.

Xuquuqda dimoqraadiyadda

Shacabka Swiiserlaan waxay xaq u leeyihiin inay codeeyaan iyo inay wax dooran karaan. Waxay dooran karaan hay'adaha siyaasadda ee heerka federaal, sidoo kale degmooyinkooda iyo gobolladooda. Waxay sidoo kale xaq u leeyihiin inay isa soo sharaxaan. Sidoo kale waxaa jiro codayn guud oo shacabka ay u codeyn karaan arrimaha siyaasadda. Sidaas ayay shacabka dhaladka ah go'aanno uga gaari karaan, heer degmo, heer gobol iyo heer Federaal, si dimuqraadiyad toosan ah (direkte Demokratie). Shacabka dhaladka ah sidoo kale waxay soo gudbin karaan fikrado u gaar ah siloogu codeeyo. Si ay u sameeyaan qaabkan waa inay bilaabaan mooshin. Bulshada ajaanibta ah ee degan gobolka Basel-Stadt looma ogola inay codkooda dhiibtaan iyo inay ka qayb galaan cod bixinta. Laakin waxay u qoran karaan dowlada codsiyo hadii ay haystaan caqabado la xiriira arrimo siyaasadeed. Sidoo kale waxay ku biiri karaan, Naadiyada, ururada iyo kooxaha.



Xuquuqda Aasaasiga ah

Dastuurka Federaalka (Bundesverfassung) waa halka ugu saraysa ee laga dheehan karo xeerarka Swiiserlaan. Qayb muhiim ah oo kamid dastuurka ayaa ah xuquuqda aasaasiga ah, oo ku saleysan Xeerka Xuquuqda Aadanaha ee Yurub (EMRK). Waxay ilaaaliyaan jiritaanka aadanaha, sida xuquuqda nolosha, ama xaq aad u leedahay in lagaa caawiyo xaalad addag. Sidoo kale waxay ka difaacayaan kuwa ay dowlad ama ururro u awood sheegteen. Waxay sidoo kale hubiyaan in qofna mid kale ku takoorin, halka uu kasoo jeedo, jinsiyadiisa, diintiisa, jinsigiisa ama kala saarista jinsigiisa. Dadka la takooro waxay ka heli karaan Gobolka Basel-Stadt caawinaad iyo talooyin bilaash ah. Wadankan Swiiserlaan waxaa ka jiro xorriyad diimeed, xorriyad fikirkaaga inad cabbirto ah, iyo xorriyadda warbaahinta.

Macluumaad dheeraad ah (linkiyo, cinwaano, waraaqaha macluumaadka, buug-yaraha)

www.hallo-baselstadt.ch/so/kanton-basel-stadt/politisches-system



Diinta

Wadanka Swiiserlaan caadi ahaan waa dal haysta diinta Kirishtaanka. Maantase waxaa deggan dad badan oo diimo kale leh. Swiiserlaan, waxaa ka jira xorriyadda diinta, isla markaana Dugsiyada waxbarashada ee dowladda waa kuwo diimaha u siman.

Diinta iyo Dowladda

Wadanka Swiiserlaan waxay ku dhaqantaa diinta Kirishtaanka. Gobollada ayaa go'aamiyo xiriirka u dhixeyya diinta iyo dowladda. Gobolka Basel-Stadt ayaa sida badanaaba gobollada afka jarmalka looga hadlo oo kale u aqoonsaday qaar kamid ah Bulsho diimeedyada inay yihii sida hay'ado dowladeed. Taasi waxay ka dhigantahay in ay u ogolaanayso xuquuqaha qaarkood, tusaale ahaan in ay dadka xubnaha ka ah ayaga Canshuuri karaan. Bulshooyinka diinta ee Gobolka Basel-Stadt ee loo aqoonsanyahay sida hay'ado dowladeed waxaa kamid ah: Kaniisadda Evangaalig-Reformaanta, Kaniisadda Kaatoolik-Roomaanka, Kaniisadda Kirishtaanka-Kaatooliga iyo Ururka Yuhuudda. Bulshooyin kale ayaa jira oo uu Gobolka aqoonsanyahay. Bulshooyinkaas waxay hoos yimaadaan sharciyada gaarka ah ee aan ahayn sida kuwa dowliga ah.

Bulsho diimeedka Gobolka Basel-Stadt

Qiyaastii saddex qeybood Bulshada reer Basel, waa xubno kamid ah afarta bulsho ee si bannaan oo sharci ah loo aqoonsanyahay. Afartaas marka laga soo tago waxaa jiro Bulsho diimeedyo badan oo kale, tusaale ahaan Muslimiinta, hinduuga, buddiistaha ama dhaqammada cusub. Qiyaas ahaantii dadka deggan halkan nus ka mid ah waa dad aan ka tirsanayn bulsho diimeed.

Xorriyadda Diinta

Dastuurka Swiiserlaan wuxuu hubiyaa xorriyadda diimaha. Taas macnaheedu waa: Qof kasta wuxuu xaq u leeyahay inuu go'aansado diinta uu ku qanacsanyahay. Qof walba wuxuu xaq u leeyahay in uu muujin karo iyo in uu faafin karo waxuu ku qanacsanyahay. Qofna kuma qasbi karo inuu qof kale kubiiro Bulsho diimeed. Dadka waxay xaq u leeyihii in ay hal meel isugu yimaadaan ayagoo diintooda ku dhaqmaayo ama u dabbaal dagaayo xaflado diimeed. Ma aha in dadka lagu takkooro sababo la xiriira diintooda ama waxa ay aaminsanyihii.



Diinta iyo Dugsiga

Iskuullada waajibka ah waa mid ka madax bannaan diinta. Hase yeeshee, mowduucyada ku saabsan diimahaha kama marna Casharrada. Dugsiga hoose waxaa jiro maaddo lagu dhigto oo la yiraahdo "Bii'ada, Bini'aadamka, Bulshada" «Natur, Mensch, Gesellschaft». Maadadan waxay ku saabsantahay farqiga noolaha iyo dhaqammadooda kala duwan. Balse, waxaa jira casharro diinta kusaabsan, oo carruurta ayaa si xor ah uga qayb qaata casharradaas. Dugsiga dhexe waxaa jira maaddo lagu dhigto oo la yiraahdo "Akhlaaqda, Diimaha, Bulshada" („Ethik, Religionen, Gemeinschaft“) oo ah mid waajib ah in ardaygu ka qayb qaato. Ardayda waxay kubaranayan maadadan xirfadaha muhiimka ah ee ay u baahanyihiin nolosha iyo wada noolaashaha dadyoowga kala duwan. Carruurta diimaha kale aaminsan, bulsho diimeedyada qaar ayaa siiyo fursado casharro meel kabaxsan iskuulka.

Macluumaad dheeraad ah (linkiyo, cinwaano, waraaqaha macluumaadka, buug-yaraha)

www.hallo-baselstadt.ch/so/kanton-basel-stadt/religion



Xilliyada Firaaqada

Basel-Stadt waxaa ka jiro fursado iyo waxyabo badan oo xiiso leh oo la sameyn karo xilliyada fasaxa. Waxaa si gaar ah loo xusi karaa Kooxo lagu biiri karo oo leh muhiimad gaar ah, halkaas oo aad isku baran kartaan dad cusub misna aad wax wada qabsan kartaan.

Kooxaha

Shacab badan oo reer Basel ah ayaa xubno ka ah Kooxo (Verein). Waxaa jiro Kooxo lagu biiri karo oo wax yaabo kala duwan qabta, sida Kooxaha ciyaaraha ama kuwa dhaqanka. Haddii aad ku biirto koox, waxaad isku baran kartaan dadkale. Kooxaha inta badan waa kuwa u furan dadka oo dhan laguna biiri karo.

Fursadaha Dhalinyarada

Dhalinyarada waxay ay xilliyadooda firaaqada heli karaan fursado badan oo ay kaga faaideysan karaan inay qabtaan ama bartaan waxyabo ay jecelyihiiin. Waxay ka qayb gali karaan mashruuc misna ku biirin karaan fikradahooda. Khubaro ayaa garab taagan oo ka warqabo dhalinyarada (Jugendarbeit). Sida caadiga ah fursadahaan waa kuwo bilaash ah.

Safarrada gaaban ee dalxiiska iyo Dhaqanka

Gobolka Basel-Stadt waxaad gali kartaa safarro gaaban oo dalxiis misna booqan kartaa Munaasabadaha dhaqanka. Dad badan ayaa u dabaal tago xilliga xagaayaha webiga Rhein ama ku leersan karaan cunto fududna ku karsan karaan dhulalka banaan ee doogga cagaaran leh ee loogu tala galay in lagu nastro. Qoysaska waxay jecelyihiiin inay booqdaan xerada xayawaanaadka (Zoo Basel). Hareeraha magaalada waxaa ku yaalo meelo aad u qurux badan oo lagu lugobaxsan karo ama lagu wadi karo baaskiilada. Magaaloyinka jarmalka sida "Freiburg im Breisgau" ama "Strassburg" waxaa si dhaqso ah ugu tagi kartaa Tareenka. Xarunta Basel Tourismus waxaad ka heli kartaa macluumaad ku saabsan safarrada dalxiiska gaaban ah ee aad samayn karto iyo xafladaha aad booqan karto.



Bar kulanka dadka Xaafadda deggan

Goobaha dadka xaafadda deggan isugu yimaadaan (Quartiertreffpunkte) waxay u furanyihiin dadka oo dhan. Waxay hayaan fursado loogu talagalay Qoysaska, duqooshinka iyo dadka luqadda jarmalka aan sidaas usii garanaynin. Meelaha qaar ee lagu kulmo waa xarumaha Qoysaska. Halkaas waa meel ay isugu yimaadaan oo ufuran waalidiinta iyo caruurtooda. Goobaha dadka xaafadda isugu yimaadaan waxaad kaheli kartaa talooyin iyo taageero ku saabsan nolol maalmeedka. Goobaha ay dadka xaafadda ku kulmaan waxaad ka ijaaran kartaa Qolal aad ku qabsan karto xafladaha qoyska ama waxii lamid ah.

Shaqooyinka iskaa wax u qabsiga ah

Shaqooyinka Iskaa wax u qabsiga ah (Freiwilligenarbeit) waxaad ku caawinaysaa dadka kula nool iyo deegaanka. "Freiwillig"ama "Iskaa wax u qabso" micnaheeda, waa inaadan wax mushahar ah ku qaadanaynin shaqadaas. Dadka mutadawaciinta ah ee iskood wax u qabsada wadanka Swiiserlaan waxay qabtaan shaqooyin badan, qaasatan kuwa Kooxaha. Ma daneynaysaa Shaqooyinka Iskaa wax u qabsiga? Wuxaad abuuri kartaa hal Koox (Verein) oo waxyaabo badan qabatada, tusaale ahaan dhaqanka, Ciyaaraha, arrimaha Bulshada, Waxbarashada, Daryeelka Xayawaanaadka, Daryeelka Deegaanka ama Caafimaadka.

Warbixinno ku saabsan kuwa qabta shaqooyinka qeybaha soogalootiga iyo qaxootiyada:

- Xafiiska qaabilسان shaqooyinka Iskaa wax u qabsiga ee GGG Benevol
- Hay'adda laan qayrta cas ee Basel-Stadt (SRK)
- Kaaritaaska labada Basel

Warbixinno ku saabsan kuwa qabta shaqooyinka qeybaha soogalootiga iyo qaxootiyada:

- Xafiiska iskudubaridka shaqooyinka iskaa wax u qabsiga ee laamaha Magangalya doonka (KOFF)
- Hay'adda Kaalmada Qaxootiga (Schweizerische Flüchtlingshilfe)



Qiimo dhimmista Munaasabadaha Ciyaaraha iyo Dhaqanka

Kaarka loo yaqaanno "KulturLegi" waxaa loogu tala galay, dadka aanan haysan Lacag badan. Hadii aad haysato kaarka KulturLegi, waxaad helaysaa qiimo dhimis, munaasabadaha Ciyaaraha, dhaqanka iyo waxbarashada. Kaarka KulturLegi waxaad ka dalban kartaa Kaaritaaska (Caritas). Kaaritaaska waxay hubinaysaa in lagu siinayo iyo inkale. Sidoo kale waxaa jiro, kaarar qoysaska loogu talo galay oo la yiraahdo Kaararka qoysaska (Familienpass) iyo (FamilienpassPlus). Labadaan kaar waxaa loogu talagalay Qoysaska deggan Waqooyiga Galbeed ee Swiiserlaan. Carrurta, dhalinyarradda iyo dhallinyarada qaangaarada ah waxaa iyana jirto qiimo dhimisyoo iyo waxyaabo bilaash ay ku heli karayaan, tusaaletahaan kaarka "colourkey" ama Kan Fasaxyada (Ferienpass). Hadii aad haysato Kaarka KulturLegi, Kaarka Qoysaska ama midka colorkey, intaba waxaad ku iibsan kartaa waxyaboo badan oo qiimo jaban. faahfaahinno dheeraad ah waxaad ka heli karaysaa Internetka.

Macluumaad dheeraad ah (linkiyo, cinwaano, waraaqaha macluumaadka, buug-yaraaha)

www.hallo-baselstadt.ch/so/kanton-basel-stadt/freizeit



Dhaqanka

Basel-Stadt waxaa ka dhaco munaasabado dhaqameed badan. Hadii aadan haysan lacag badan, waxaa jiro habab kala duwan, oo aad si bilaash ah ama qiimo jaban ah uga qayb qaadan karto.

Madxfyada / Bandhigyada

In ku dhow 40 madxaf ayaa qaban qaabiyo bandhigyo iyo munaasabado. Sidoo kale meelo yaryar oo lagu keydiyo sawir gacmeedyadii hore iyo farshaxanada ayaad booqan kartaa. Xataa meelaha bannaanka ah waxaad ku arki kartaa farshaxanno lagu sameeyo.

Heesaha / Qoobka ciyaarka / Masraxyada / Suugaanta

Gobolka Basel-Stadt waxaa ka dhaco munaasabado dhaqameed faro badan. Masraxa Theater Basel wuxaad ku raaxaysan kartaa Heesaha, Riwaayadaha iyo qoobka ciyaarada, Kaserne iyadana heesaha qaraamiga ah, qoobka ciyaarka iyo masraxyada. Waxaa kaloo jiro xataa meelo yaryar sida Vorstadttheater ama Sommercino. Xilliga kuleylaha waxaad booqan kartaa goobo badan oo banaanka ah oo lagu qabanaayo xaflado iyo dabbaaldegyo. Kuwa kamid ah munaasabadahaas waxa lagu galaa si bilaash ah.

Dhismayaasha

Basel iyo nawaaxigeeda waxaad ku arki kartaa Dhismayaal badan oo casri ah. Tusaale ahaan degmada Riehen waxaa ku yaallo Fondation Beyeler oo nashkhadeedu lahaa Renzo Piano. Magaalada Basel gudaheeda waxaa ku yaalo dhismaha cusub ee madxfka farshaxanka ee Basel (Kunstmuseums Basel) oo nashqadeedu lahaayeen Christ iyo Gantenbein ama dib u habayntii goobta khamaarka lagu ciyaaro ee (Stadtcasinos Basel) ee uu nashqadeedu wada lahaayeen Herzog iyo de Meuron.

Daryeelka Dhaqanka

Haddii ay xirfaddaadu tahay farshaniiste, waxaad codsan kartaa lacag aad ku daberto mashruucyadaada. Barta Waaxda Dhaqanka ay ku leeyihii Internetka, waxaad ka heli kartaa macluumaad, tusaale ahaan sidii aad u xareeysan lahayd codsigaada lacagta.



Adeegyo qiimo jaban iyo kuwo bilaash ah

Madxfayo iyo goobo badan oo xafladaha lagu qabto ayaa ah kuwo leh qiimo gaar ah. Tusaale ahaan waxaad bixinaysa muddo kooban hadii aad ku jirto lacag yar ama waaba bilaash. Dadka qaar waxay ku galaan si bilaash ah ama waxaa laga qaadaa lacag aan badnayn. Sidoo kale waxaa jiro bandhigyo iyo xaflado bilaash lagu galo oo lagu qabto bannaanka. Kooxo (Vereine) badan iyo ururrada ajaaniibta ayaa iyaguna waxaa laga helaa fursadahaas. Kaarka KulturLegi, kaarka qoysaska (Familienpass) ama colorkey waxaad ku helaysaa wax yaabo badan qiimo jaban. Madoonaysaa inaadan kaligaa booqanin Xafladaha iyo Madxfayada? Waxaa jiro fursado ah inaad adinkoo koox ah ama adigoo qof wehel (Tandem) ah kula socdo. "Tandem" micnaheedu waa: Wuxaad booqanaysaa goobahaas adigoo qof kale kula socdo.

Macluumaad dheeraad ah (linkiyo, cinwaano, waraaqaha macluumaadka, buug-yaraha)

www.hallo-baselstadt.ch/so/kanton-basel-stadt/dhaqanka